

Headlines

1. सुप्रीम कोर्ट नै मुख्य च शिडक सुरक्षा बदाने आस्तै दिशा-निर्देश जारी कीते, आखेआ जे एक्सप्रेस-वे खतरे दे गलियारे नेई बनने लोडचदे।
2. उपराज्यपाल मनोज सिन्हा होरें भगवान परशुराम जयंती ते अक्षय तृतीया दे मौके पर सबनें गी मुबारकबाद दित्ती।
3. माँक ड्रिल ते ब्लैकआउट एक्सरसाइज पुंछ च कीती गई, एहू 24 अप्रैल तगर जारी रौहगा।
4. उधमपुर च नशीले पदार्थे दे इक मामले च पंजाब दे 2 लोकें गी 10-10 साल दी सजा।
5. ते घाटी च बर्फबारी ते बरखा करी तापमान च गिरावट दर्ज कीती गई।

<><><><><><>

SC-Express

सुप्रीम कोर्ट नै मुख्य भरे च शिडक सुरक्षा बदाने आस्तै दिशा-निर्देश जारी कीते न। अदालतै आखेआ ऐ जे प्रशासनिक चूक या बुनियादी ढांचे दी कमी करी एक्सप्रेस वे खतरें दा गलियारा नेई बनने लोडचदे। न्यामूर्ति जे.के महेश्वरी ते ए.एस चुंदरकर हुंदी पीठ नै आखेआ जे भारत दे कुल शिडक नेटवर्क च राष्ट्री जरनैली शिडकें दा हिस्सा छडा 2 फीसद ऐ पर शिडक हादसे च होने आहली मौतें च इंदा हिस्सा करीब 30 फीसद ऐ। अदालतै शिडक परिवहन ते जरनैली शिडकें सरबंधी मंत्रालय, जरनैली शिडकें सरबंधी भारती प्राधिकरण ते सारे राज्यें ते केंद्र शासित प्रदेशें गी जरनैली शिडक पर सुरक्षा च सुधार आस्तै फौरी गैऽ पुट्टने दे निर्देश दित्ते न।

<><><><><><>

LG-Greetings

उपराज्यपाल मनोज सिन्हा होरें भगवान परशुराम जयंती ते अक्षय तृतीया दी मुबारकबाद दित्ती ऐ। अपने स्नेह च उपराज्यपाल होरें आखेआ जे भगवान परशुराम दलेरी, बलिदान ते न्याऽ दे प्रतीक न। उनें आखेआ जे परशुराम हुंदा जीवन असें गी मनुक्खता दी सेवा करने लेई प्रेरित करदियां न। उनें प्रार्थना कीती जे भगवान परशुराम होर हर कुसै दे जीवन च खुशी, शांति, नमी उर्जा ते नरोई सेहत लेइये औडन। उपराज्यपाल होरें अक्षय तृतीया दे मौके पर लोकें गी शुभकामनां दित्तिया।

<><><><><><>

Parshuram-Jayanti

परशुराम जयंती ते अक्षय तृतीया दा त्यौहार जम्मू खित्ते च धार्मिक श्रद्धा कन्नै मनाया जा'रदा ऐ। भगवान परशुराम हुंदी जयंती हर बरे शुक्ल पक्ख दी तृतीया तीर्थ गी मनाई जंदी ऐ। परशुराम जयंती जम्मू खित्ते दे बक्ख-बक्ख हिस्सें थमां मनाने दियां खबरां थहोइयां न। जम्मू, कठुआ, साम्बा, उधमपुर, पुंछ ते होरनें जिलें च बी मनाई जा'रदी ऐ। पुंछ च एहू पवित्र त्यौहार पूरी धार्मिक श्रद्धा कन्नै मनाया गेआ। इस मौके पर बोलदे होई सनातन धर्म सभा पुंछ दे अध्यक्ष खेत्तरपाल शर्मा होरें आखेआबाईट.....

उधमपुर च बी इस मौके पर इक शोभा जात्तरा कड्डी गई। इस मौके पर मीडिया कन्नै गल्ल करदे होई डी.आई.जी उधमपुर-रियासी रेंज शिव कुमार शर्मा होरें आखेआबाईट.....

साम्बा थमां इस बारै होर जानकारी दिंदे होई स्हाडे जिला संवाददाता नै दस्सेआ

<><><><><><>

Akshay-Tritya

अक्षय तृतीया दा ध्यार अज्ज पूरे मुल्ले च पारम्परिक शरदा ते उत्साह कन्नै मनाया जारदा ऐ। एह ध्यार खरे भागें खुशहाली ते कामयाबी दा प्रतीक ऐ। इस ध्याडे लोक देवी देवताएं अगगे जीवन च सुखा, समृद्धि ते कामयाबी दी प्रार्थना करदे न। समूलचे मुल्ले च अज्ज परशुराम जयंती बी मनाई जा'रदी ऐ। भगवान परशुराम विष्णु भगवान हुंदे 6में अवतार हे।

<><><><><><>

Akshay-Tritya

प्रधानमंत्री नरेंद्र मोदी होरें अज्ज अक्षय तृतीया ते परशुराम जयंती दे मौके पर देशवासिं गी शुभकामनां दिंदे होई सब्बनें दी सलामती, तरक्की ते खुशहाली दी कामना कीती ऐ।

<><><><><><>

Mock-drill Poonch

पुंछ जिले च नागरिक सुरक्षा ब्हाई हमले थमां बचा बारै जागरूक करने बारै ब्लैकआउट सरबन्धी माँक ड्रिल दा आयोजन कीता जाहगा। इस अभ्यास बारै पुंछ दे डिप्टी कमिशनर होरें इक अधिकारिक हुक्म जारी कीता। एह पैहलकदमी कल्लै थमां लेइयै 24 अप्रैल तोड़ी जारी रौहगा। इस आर्डर च आखेआ गेदा ऐ जे एह माँक ड्रिल Civil defence ते S.D.R.F आसेआ करोआई जाहगा। प्रशासन नै आखेआ ऐ जे एहदा मकसद आम लोकें च जागरूकता, बकख-बकख मैहकमें बश्कार तालमेल बनाने पर जोर भरेआ। बकख-बकख विभागें गी इस बारै कार्रवाई दी रिपोर्ट जमा करने आस्तै हुक्म जारी कीते गए न।

<><><><><><>

Itoo-SMHS Visit

सेहत ते चिकित्सक शिक्षा दियां मंत्री सकीना इतू होरें अज्ज सांसद शेख अब्दुल राशिद हुंदे पिता दा हालचाल पुच्छने आस्तै एस.एम.एच.एस दा दौरा कीता। इस मौके पर हजरतबल थमां विधायक सलमान सागर, जीएमसी श्रीनगर दे प्रिंसीपल डॉ. इफ्फात हसन शाह, एस.एम.एच.एस दे मेडिकल सुप्रीटेंडेंट डॉ. अंदलीब बशीर, बकख-बकख मैहकमें दे एच.ओ.डी, सीनियर डॉक्टरें समेत होर कर्मी बी शामिल हे। अपने दौरे दरान मंत्री सकीना इतू होरें खाजिर मुहम्मद शाह जेडे इंजीनियर राशिद हुंदे पिता न, उंदी सेहत बारै विस्तार च डॉक्टरें कन्नै गल्लबात कीती ते इंदी सेहत च सुधार बारै पुच्छेआ।

<><><><><><>

Conviction

पुलस दा आखना ऐ जे उधमपुर दे इक्क कोर्ट नै 2020 एन.डी.पी.एस एकट मामले च पंजाब दे दो अंतरराज्जीय नशा तस्करें गी 10एं सालें दी सख्त कारावास दी सजा सनाई। इक आरोपी दा नांउ जसप्रीत सिंह ते दुए दा संदीप सिंह ऐ। एह दवें लुधियाना दे बसनीक न। इनेंगी इक्क-इक्क लकख रपे जर्माना बी कीता गेआ ऐ। पुलस दा आखना ऐ जे जुर्माना नेई भरने पर इंदी सजा 6 महीनें लेई बधाई दिती जाहगा। 9 सितंबर 2020 गी इनेंगी जम्मू-श्रीनगर राश्ट्री जरनैली शिडक उप्पर 175 किलोग्राम नशी पदार्थे कन्नै फगडेआ गेआ हा। एह दवें उसलै अपनी गड्डी च कश्मीर थमां वापस आवा'रदे हे।

<><><><><><>

JJM-Comm. Reasi

जल जीवन मिशन बारै खडेरी गेदी हाउस कमेटी जेदी प्रधानता हसनैन मसूदी होर करा'रदे न, नै रियासी जिले दे पौने इलाके दा दौरा लाया। इस दरान उनें जल शक्ति स्कीम दी अमलावरी दा जायजा लैता ते पानी सप्लाई सरबन्धी लोकें दिएं समस्याएं गी सुनेआ। दौरे दरान मुकामी लोकें पीने आहले पानी कन्नै जुडी दिएं समस्याएं, प्रोजेक्टें दी अमलावरी च चिर ते होर दुए मामलें गी पुट्टेआ। कमेटी नै लोकें गी भरोसा जे सबनें जायज मसलें दा पैहल दी विनाह पर हल कडेआ जाहगा। मीडिया कन्नै गल्ल करदे होई हसनैन मसूदी होरें आखेआबाईट.....

<><><><><><>

Refresher-Course

जम्मू-कश्मीर पुलस दे कर्मियें आस्तै आतंकवाद बरोधी पाठ्यक्रम, जेड़ा टाइगर डिविजन दी दिक्ख-रिक्ख च करोआया जा'रदा हा, ओह समाप्त होई गेआ। एह पाठ्यक्रम 7 अप्रैल गी शुरू होआ हा जिसे भारती सेना ते जम्मू-कश्मीर पुलस दे वरिष्ठ नेतृत्व राएं संयुक्त रूप कन्नै करोआया गेआ। मीरां साहिब ब्रिगेड राएं 108 पुलस कर्मियें गी गहन प्रशिक्षित कीता गेआ। इस पाठ्यक्रम दे दरान प्रतिभागिएं गी परिचालन सरबन्धी बक्ख-बक्ख पैहलुएं बारै प्रशिक्षित कीता गेआ जेदे च मोबाइल वाहन चेक पोस्ट अभ्यास, तुरत प्रक्रिया टीम गश्त समेत होर पैहल शामिल ऐ।

<><><><><><>

Book Release

डोगरी संस्था आसेआ अज्ज डोगरी दे नामवर रेडियो प्रसारक ते साहित्यकार नरेंद्र भसीन हुंदे कहानी संग्रह हिरखै दी बेल ते चंचल भसीन हुंदे बाल कविता संग्रह तारें दी सिलमिल ते गंडीले दे फुल् दा विमोचन कीता गेआ। इस मौके साबका प्रशासनिक अधिकारी बी.आर शर्मा मुख्ख परौहने हे जिसलै जे संस्था दे प्रधान पदमश्री ललित मगोत्रा होरें कार्यक्रम दी सदारत कीती। डोगरी साहित्यकार प्रो. वीणा गुप्ता, डॉ. अशोकर खजूरिया ते विजय कुमार बजाज होरें इनें कताबें पर पेपर पढे। अपनी कताब बारै गल्ल करदे होई नरेंद्र भसीन होरें आखेआबाईट..... आकाशवाणी जम्मू कन्नै इस बारै गल्ल करदे होई चंचल भसीन होरें आखेआबाईट.....

<><><><><><>

Weather

कश्मीर दिएं उच्चिएं धारें पर ताजा बर्फबारी होई ते मैदानी इलाकें च बरख पेई। इस वजह करी तापमान च खासी गिरावट दर्ज कीती गेई ऐ। बांडीपोरा जिले दी गुरेज घाटी दे तुलैल इलाके च बर्फबारी होई ऐ। सोनमर्ग इलाके दे जोजिला पास दी दौनें भेठा बर्फबारी होई ऐ। घाटी दे मैदानी इलाकें च हल्की थमां दरम्याने दर्जे दी बरखा होई। मौसम विभाग दा आखना ऐ जे एहदे कन्नै तापमान हुन बेहतर होई जाह्ग। बर्फबारी ते बरखा करी तापमान च किश गिरावट औने दी मेद ऐ।

<><><><><><>